

新 教育 教科 書

地


理

六

高等小學校用

中華書局印行

此書另有教案備用



# 辭字 典

諸君讀書治事：要識字多，用辭便，字音確，莫如多備字典辭典。下列的各種，都是最適用的。

## ▲國文國語

中華大字典	紙面四冊	十六元
中華縮本大字典	紙面二十六冊	十六元
實用大字典	本裝十二冊	四元
中華中字典	布面一冊	三元六角
同文康熙字典	本裝四冊	一元八角
新版康熙字典	四冊連史冊	一元四角
新式學生字典	洋裝一冊	二元四角
注音新辭林	布面一冊	二元四角
定國音新字典	全一冊	三角
國音小字典	全一冊	二角
中華注音國語字典	全一冊	四角
國音普通字典	全一冊	四角

## ▲外國語

新英華雙解詞典	布面一冊	三元六角
新式英華詞典	布面一冊	二元
袖珍英華學生字典	一冊	七角五分
新英華雙解字典	一冊	一元
珍英華雙解字典	一冊	一元
英華正音辭典	精裝一冊	三元六角
中英漢商業辭典	布面一冊	一元
華英法文辭典	布面精裝一冊	二元
雙英華法文辭典	布面金裝一冊	五元
德華字典	布面一冊	二元
理化辭典	布面一冊	一元八角
博物辭典	布面一冊	三元

MG  
G624.45  
36

1 新教育高等小學地理目次

新教育高等小學地理 第六册

目次

第一	北美合衆國	二	教學時數
第二	加拿大 格陵蘭	二	
第三	墨西哥 西印度羣島	二	
第四	中央亞美利加	二	
第五	巴西	一	
第六	南美洲北部及西北部	二	
第七	南美洲南部	二	
第八	美洲括論	一	
第九	澳大利亞聯邦 新西蘭	一	
第十	大洋洲諸島	二	



3 2173 3790 0

第十一	大洋洲括論	—
第十二	埃及 南阿非利加聯邦	—
第十三	摩洛哥 馬達加斯加島	—
第十四	非洲黑人自主之國	—
第十五	非洲括論	—
第十六	世界括論一	—
第十七	世界括論二	—
第十八	世界括論三	—
第十九	世界括論四	—
第二十	世界括論五	—


附中西對照表

新教育高等小學地理 第六冊

第一 北美合衆國

合衆國在北美洲中部，其地面積小於我國，而財富兵強，却有雄長世界之概。其國都曰華盛頓。

國內富於礦產，石油產額，位世界第一；其產地導以鐵管，流至費城，紐約各廠，經衆提煉後，更以他管導入大西洋船中，運銷國於各大陸。密西西比河流域，尤爲農牧最盛之地。雖其河流亦常潰決，然治之有術，不至如我國黃河之爲害。國內鐵路縱



中華書局印行

橫，占世界鐵路總長十分之四。最著者，為聯絡大西洋太平洋之橫互大鐵路。

紐約為合衆國貨物輸出之總樞，商務之盛，比於倫敦。其「托辣斯」實操世界經濟之權。紐約灣中有自由神像，卓然高聳，赴紐約者，必先望見之。芝加哥在密執安湖南，為穀類肉類之著名市場，有偉大之家畜收容所及屠宰場，麪粉及罐頭肉食品之製造均極盛。舊金山在太平洋岸，亦大都會也，有汽船與我國通航。從前其地開鑿金礦，建築鐵路，皆僱用華工；故至今華僑之留居者，尙有三萬餘人。

### 第二 加拿大 格陵蘭

英屬加拿大，占合衆國以北地。北部荒寒，產毛皮獸，外商來者，多以其貨物易毛皮而去，南部則富於森林。境內有大鐵路，自大西洋岸之哈勒法起，經鄂大瓦而達太平洋岸之蕃古注。蕃古注之西，有維多利


亞，華僑居此者甚多，汽船往來，常載有我國絲，茶，瓷器之屬。紐芬蘭島，在加拿大東，為世界三大漁場之一，操舟撒網於其海面者，常達萬人。

丹屬格陵蘭，世界第一大島也，隔巴芬灣與加拿大相望，哀斯基莫族居之。其人為未開化民族，衣食多取給於動物，尤喜食脂肪以禦寒；冬季疊冰塊為屋，行路著雪鞋，貨物往來，則用雪橇，而駕以犬或大鹿。

第三 墨西哥 西印度羣島

自合衆國之南，渡墨西哥灣而入墨西哥，可於委拉古盧上陸。委拉古盧者，墨國之第一商港也。其西為國都墨西哥

加拿大及格陵蘭圖



哥，位於中央高地，氣候溫和，風景清麗。礦物，銀最富，產額為世界第一。我國通用銀圓之一種曰鷹洋者，亦自此國輸入。近年國多內亂，留居之華僑常受其害。

墨西哥灣東南，有西印度羣島，為哥倫布航海時首先發見之地。今其地自古巴、海地、聖多明峨三共和國外，大抵為英美等國所屬領。

古巴共和國，占西印度羣島中之最大島。出產蔗糖甚富，與印度爪哇稱世界三大產糖地。國都哈瓦那，為著名糖市，華僑之執役於其工廠者數萬人。

墨西哥及西印度羣島圖



礦物，銀最富，產額為世界第一。



#### 第四 中央亞美利加

墨西哥東南，有狹長之地峽，聯綴南亞美利加、北亞美利加二洲，縱斷大西、太平二洋，是曰中央亞美利加。其地概屬熱帶，植物繁滋，叢林中  
有紫檀者，高如百尺之松，土人立年限而後伐之，可貴之材也。全境面積，約等於我四川省；其中皆共和國，以巴拿馬之地位最占重要。


巴拿馬當地峽之最狹處，其國都亦名巴拿馬。初為哥倫比亞屬地；民國前九年始獨立；因合衆國有援助之功，遂讓以巴拿馬地峽開鑿運河之權。民國三年，巴拿馬運河告成。其水深於蘇彝士運河，於世界交通及美國之軍事商務上，均有至大之利益，華僑因作河工而留居其地者甚多，現頗從事農商漁業。

#### 第五 巴西

南美洲之大河，曰亞馬遜，占有其流域者，巴西共和國也。全面積約當

我國四分之三，氣候地  
 味，皆適於農事，且有廣  
 大之草原森林。歐人羨  
 其富源，來此者日衆。  
 聖保羅附近，盛產珈琲，  
 森多斯爲其第一輸出  
 港，珈琲之氣，常充滿焉。  
 里約熱內盧，爲巴西國  
 都，風景美麗，與意大利  
 之那不勒斯齊名；珈琲  
 之輸出亦盛。橡樹多產  
 生於亞馬森河谷，土人割其皮，取其分泌之液，製爲橡皮，由河口之巴

圖國諸部北西洲美南及西巴



巴

拉輸出，亦此國之重要產物也。

### 第六 南美洲北部及西北部

南美洲北部，有委內瑞拉共和國，及分屬英、荷、法之圭亞那。委內瑞拉，「小威尼斯」之意也，占加勒諾哥河流域；歐人初至，見其人環水而居，狀似威尼斯，故名。國都加拉加，有迂迴之鐵路，通外港刺瓜刺。南美洲西北部，有四共和國：哥倫比亞，地接巴拿馬，其國都波哥大。多地震，居屋不宜重樓，窗戶不用玻璃。厄瓜多，都於基多，亦號「赤道國」，火山之多，為世界第一。產物有巴拿馬帽，以一種棕櫚葉之纖維編成之，頗光澤可愛。秘魯，臨太平洋岸，地多荒漠；海鳥所集之處，經久而積為鳥糞層，可取為肥料，亦一富源也。首都曰利馬，有華僑四萬餘人。玻利維亞，立國於山間，產銀甚豐，稱「南美之墨西哥」。拉巴斯附近又產金，首都曰蘇克列。

### 第七 南美洲南部

南美洲有世界最狹長之國，其地北入熱帶，南近寒帶，是曰智利。硝石為其特產，埋藏於沿海沙土之下，係太古之海草類變化而成，壟田醃肉及製火藥等，皆利用之。國都森地亞哥，市況繁盛，為南美太平洋岸第一都會。瓦爾巴拉索，意云「極樂谷」，為此國良港。

阿根廷之地，大部位於溫帶，其中大平原，為世界著名之牧畜場，盛產羊毛。首都布宜諾斯亞利斯，亦為一大商埠，近五十年來，人口驟增至十倍。

烏拉圭，南美最小之國也。其首都位於拉巴拉他河入海處，自海來者，遙見其地之小山，即能

圖國諸部南洲美南



辨識，故名蒙得維多，蒙得維多者，「我見其山」之意，是亦南美之要港。

巴拉圭，地在南美中央，無出海之口，與玻利維亞相同；然首都亞松森，有舟楫之便。巴拉圭茶，係一種刺激性物，南美人多嗜之。

### 第八 美洲括論

美洲亦稱「新大陸」，其地面積，合南北計之，猶不及亞細亞之廣大。就中以合衆國爲領袖，交通，物產，製造，多居世界之第一位。且自合衆國建國以來，其餘美洲諸國，以次效之，概施共和政治；而合衆國亦以保護諸共和國爲己任，曾有「美洲人之事，他洲人不得干涉」之宣言。所謂們羅主義也。

新大陸之主人翁，今爲白人。其原來之紅人，曾建墨西哥秘魯等國者，日見衰夷；惟紅人與白人之混血族，在南美洲尙占優勢。

## 第九 澳大利亞聯邦 新西蘭

英吉利之殖民地，徧於全世界，而澳大利亞聯邦居其一。其地在南半球，羊毛之產，過於阿根廷，而位世界第一。澳之富源，羊毛外，又有墨爾本附近之金礦，英人嘗用華工開採之；華人因其地開闢在美國當金山之後，遂呼爲新金山，而渡海往者頗衆。其後英下禁令，徵苛稅，華工逐漸減少；然至今日，尙有一百四十萬人留居焉。悉尼臨東海岸，市況發達，稱「澳大利亞之紐約」。


新西蘭合南北兩島，而成長靴形之地域，與意大利頗相似。島中土人，尙文身之俗，多黥面以爲飾，首府威靈敦，有華僑數千人。

## 第十 大洋洲諸島

圖 蘭西新及亞利大澳



大洋洲諸島之大者，曰巴布亞，地在熱帶中，氣候炎熱，土人裸體以為



大洋洲諸島圖

常。其東北一部，歐戰前屬德；歐戰後，則與其赤道以南之屬島，歸澳大利亞聯邦，或新西蘭管理矣。

菲律賓之東，美屬島嶼甚多；以夏威夷爲最大。首府火諾魯魯，太平洋內東西往來之船，皆於此停泊；華僑呼其地爲檀香山，居之者頗多。前清末年，美人藉口防疫，焚華人之居，我僑民大受損失。

雅泊島，亦在菲律賓之東，本德人領地；歐戰後，與德領赤道以北諸島，概歸屬於日本。此島與美國之太平洋橫斷電線，極有關係，美日二國嘗因此爭執；後由太平洋會議協定，美、日、荷三國共掌其海電權云。

### 第十一 大洋洲括論

大洋洲，合澳大利亞及散在太平洋中之島嶼而成。地理上對於澳大利亞有兩說：一以爲洲；一以爲島。以爲洲，實世界最小之洲；以爲島，則世界最大之島也。大洋洲之島嶼，其成因不出火山及珊瑚礁二種。珊



珊瑚礁，係珊瑚蟲之骨骼，積久高出海面，堅凝而成，惟暖海中有之；在本洲東方海面者尤多，因有「珊瑚海」之目。

大洋洲自被白人占據後，經之營之，無復他族插足之餘地；近來日本取得德屬諸島之一部，於是黃人亦占其中之一席矣。


第十二 埃及

南阿非利加聯邦

邦

埃及因尼羅河之縱貫，地味肥沃，自蘇彝士地峽開

阿非利加洲圖



通，船之往來歐亞間者，皆經過之，其地更爲交通要衝；後受保護於英，至民國十一年，始宣告獨立。首府開羅，爲非洲第一大會，附近有「金字塔」「女面獅身像」等古代遺物。

歐戰後，德領東非地，歸英統治，英之勢力，遂自埃及之南，直達南非聯邦，南非，爲羊毛，駝鳥羽，金剛石之大產地，多自開普敦——好望角——輸出。金剛石大者，其重量過三千「加辣」；駝鳥善走如駿馬，其性易馴，我華人在其地經商開礦者頗衆。

### 第十三 摩洛哥 馬達加斯加島

摩洛哥，法之保護國也。北望直布羅陀，而扼地中海大西洋之門戶。住民善製皮。歐戰後，舊德領喀麥隆之大半，亦歸法管理，於是由撒哈拉而達幾內亞灣，非洲西北部地，概屬於法。法人講求水利，雖沙漠地方，生產亦有進步。

非洲最大之島，曰馬達加斯加，亦爲法領。其地大部在熱帶，氣候不良。有「旅人樹」，係芭蕉科植物，旅行之人，可從之得水以濟渴。首府安坦安阿里瓦，有華僑在焉。

#### 第十四 非洲黑人自主之國

非洲自埃及及英法屬地外，大抵爲意、比、西、葡所分割；若黑人自主之國，僅阿比西尼亞與里比利亞而已。

阿比西尼亞爲君主專制國，據非洲之脊，山景極佳，世稱「阿非利加之瑞士」。其國民善於戰鬥，兒童未至十歲，即隨軍人習武；然自習武外，別無教育，故國民能讀書寫字者甚稀。首都曰亞的斯亞比巴。

里比利亞，即黑奴國。百年以前，北美解放黑奴，思擇地而居之，乃於非洲西岸建立此邦；其名里比利亞者，「自由國」之意也。國之憲法，概仿北美；首都蒙羅維亞，亦以當時美國大總統之名爲名。

## 第十五 非洲括論

非洲爲世界第二大陸，大於我國三倍而弱。因其山脈圍繞海岸；長河大流，概多急湍；又因撒哈拉大沙漠，障礙交通，阻塞文化；故自古以來，自埃及外，鮮有聞名之國。及歐人南至，勵行殖民事業，沿岸之地，先行分割；又築鐵路以深達內地，用飛機以遞傳郵信；種種天然之障礙，向視爲非人力所能去者，始漸去之。於是土著之黑人，幾皆退居於被治者之地位，而僅略沾其文明之餘潤矣。

## 第十六 世界括論一

地球表面，陸居一而水居三，動植礦物生長蘊藏於其間。人類以知能之卓越，得擇其所需要者，取爲衣食住之資料，以維持其生活，繁衍其種族，而地球乃爲全人類所支配之世界。

全世界人數約十六億，大別之爲五種：曰黃種，多居於亞洲。曰白種，多


居於歐洲。文化程度，以此二種爲最高。若非洲之黑種，美洲之紅種，馬來各地之棕色種，則人數較少，知識較遜，文化上鮮有進步也。

人口密度，歐洲稱最，亞洲次之，其餘各洲更次之；然自白種人厲行殖民政策以來，各洲曠地，亦被開闢殆盡。

### 第十七 世界括論二

立國要素，首重領土，以其爲國民生活之所憑依也。現世領土

全 世 界 圖



最廣之國，爲英法二國，我國及美國次之。

政治組織，各國不同，大抵君主專制之國，今後殆將絕跡；君主立憲之國，現惟英與日本稱雄於世。我中華民國，爲亞洲之先進共和國，則觀於美國之強盛，當如何自奮！觀於墨西哥之擾亂，又當如何自戒！在昔國防，專恃陸戰，旋更趨重海戰，今後並將注重飛機等類，而爲空中戰。其設備完固者，卽能左右世界之大局，英、法、美、日等國是也。

### 第十八 世界括論三

言語，爲人類表示情意，交換知識之具。其別至繁；用之最衆者，爲我國語。流行最廣者，爲英吉利語。以我國人口雖衆，不如英吉利商業推行之廣也。若西班牙語，則盛行於美洲；法蘭西語則外交上重之；德意志語則學術上重之。

耶佛，回，爲世界三大宗教，皆產生於亞洲。其流行之最廣者，耶教也；佛

教，回教次之。歐美諸國，奉耶教。非洲及亞刺伯奉回教。若亞洲，各教均有之；而以佛教爲最盛。

教育，能予人類以適應生存之利器。世界各國，因其民生國勢需要之不同，對於教育，亦各異其標準；而其力謀普及則同。丹麥教育，實爲世界之最普及者。

### 第十九 世界括論四

人類之生活，貴能適應環境；尤貴能改造環境，益求幸福。近百年來，歐洲民族，利用其科學知識，增進文明，社會生活狀態，遂日新而月異。若哀斯基莫族之但恃漁獵，巴布亞人之不用衣履，是皆限於自然之境，而不能自求進步者也。

社會生活，以經濟爲本，故產業之發達，爲國利民福所繫。礦產，以煤鐵爲最重要，盛產煤鐵之國，其工商業恆易振興，如美、英、德、比諸國是也。

農業宜於原野，世界之農業國，以我國及美、俄爲最著。餘如漁業，則首推挪威；林業，則首推德國；牧畜業，則美、俄及澳大利亞均有名。

## 第二十 世界括論五

交通機關，實爲社會進化之利器。現在全世界鐵路之長，可以繞赤道十週，而美國獨居十分之四。商船，在歐戰以前，英德最多；歐戰後德敗而美代之。東鄰日本，在太平洋中，航業亦頗占優勝；惟我國皆落人後耳。

飛機之發明，實爲近世科學一大進步。軍事上多利賴之；現更應用之於郵傳、計程設站，與鐵路、商船，同爲交通重要機關。我國北京亦設署辦理，航空事業之前途，未可限量也。



## 中西對照表

北美合衆國 United States of America	古巴 Cuba
北美洲 North America	海地 Haiti
華盛頓 Washington	聖多明哥 San Domingo
費城 Philadelphia	哈瓦那 Havana
紐約 New York	中央亞美利加 Central America
大西洋 Atlantic Ocean	巴拿馬 Panama
密西西比河 Mississippi River	哥倫比亞 Colombia
芝加哥 Chicago	巴西 Brazil
密執安湖 Michigan Lake	南美洲 South America
舊金山 San Francisco	亞馬森河 Amazon River
加拿大 Canada	聖保羅 Saint Paulo
格陵蘭 Greenland	森多斯 Santos
哈勒法 Halifax	里約熱內盧 Rio de Janeiro
鄂大瓦 Ottawa	巴拉 Para.
番古注 Vancouver	委內瑞拉 Venezuela
維多利亞 Victoria	圭亞那 Guiana
紐芬蘭 Newfoundland	和勒諾哥河 Orinoco River
巴芬灣 Baffin Bay	加拉加 Caracas
哀斯基莫 Eskimo	刺瓜刺 La Guaira.
墨西哥灣 Gulf of Mexico	波哥大 Bogota
墨西哥 Mexico	厄瓜多 Ecuador
委拉古盧 Vera Cruz	基多 Quito
西印度羣島 West Indies	秘魯 Peru
哥倫布 Christopher Columbus	利馬 Lima

玻利維亞 Bolivia	夏威夷 Hawaii
拉巴斯 La Paz	火諾魯魯 Honolulu
蘇克列 Sucre	雅泊島 Yap Island
智利 Chili	埃及 Egypt
森地亞哥 Santiago	南阿非利加 South Africa
瓦爾巴拉索 Valparaiso	尼羅 Nile
阿根廷 Argentina	開羅 Cairo
布宜諾斯亞利斯 Buenos Aires	開普敦 Cape Town
烏拉圭 Uruguay	好望角 Cape of Good Hope
拉巴拉他河 Rio de La Plata	加辣 Carate
蒙得維多 Montevideo	摩洛哥 Morocco
巴拉圭 Paraguay	馬達加斯加島 Madagascar
亞松森 Asuncion	直布羅陀 Gibraltar
們羅主義 Monroe doctrine	喀麥隆 Kamerun
澳大利亞 Australia	撒哈拉 Sabara or Great Desert
新西蘭 New Zealand	幾內亞灣 Gulf of Guinea
墨爾祿恩 Melbourne	安坦安阿里瓦 Antananarivo
悉尼 Sydney	阿比西尼亞 Abyssinia
威靈敦 Wellington	里比利亞 Liberia
大洋洲 Oceania	亞的斯亞比巴 Addis Abeba
巴布亞 Papua	蒙羅維亞 Monrovia

End

行發局書華中

批定審部育教

定審  
注音字母教授法

呈及注陸衣言編一冊三角  
書交付國語統一籌備會審查去後茲將該  
該會呈稱該會審查幹事公同審查該書  
現已完畢據該會第二編敘年長失學人之  
敘兒童教授法第三編敘教員與師範生之  
教授法詳明方法新穎與師範生以前  
法編製詳明方法新穎與師範生以前  
不曾有的著作確是以以前  
母範是便利就請大部用書並注音  
師範學校國民學校的參考書並注音  
請大部國民學校的參考書並注音  
原書中間有應改作正字句已出版  
發出了該原稿仍候裁奪此外有注  
備案是否仍有當原稿仍候裁奪此外有注  
母教科書一冊據原稿該書尚屬允  
一式教案不日脫稿應該會審查此書  
治應准作為師範學校國民學校參  
書並給與獎金四十元以資  
鼓勵餘均應照該會所辦原稿發還  
此批  
中華民國九年九月

新六(613)

NEW EDUCATIONAL GEOGRAPHY  
FOR HIGHER PRIMARY SCHOOLS  
CHUNG HWA BOOK COMPANY LTD.

民國十一年十月發行  
民國十一年十月發行  
(高等小學校用)

新教育  
教科書地  
理(全六冊)  
(每冊定價銀八分五分六釐)  
(外埠函加郵匯費)

校編

校編  
及

張國維  
李廷翰  
朱文叔  
汪宗敏  
陸費直

印發  
者

上海華英書局

印  
者

上海華英書局

總發行所

上海華英書局

分發行所

北京天津奉天廣州長沙開封  
濟南保定武昌太原南京杭州  
溫州長春漢口南昌南京杭州  
成都重慶雲南徐州西安汕頭  
中  
華  
書  
局

分發行所

沙市廣州貴陽吉林瀋陽  
安慶桂林東昌廈門那台石家莊  
黑龍江 鄭州 梧州 新加坡

※有著作權不准翻印※

# 攝生必讀

## 肺病療養法

●全一冊  
▲定價二角半

著者本經驗心得。參以歐美新法。通俗肺病諸節均示要領。救濟防護。消滅等種種方法。詳述無遺。

## 神經衰弱療養法

●全一冊  
▲定價二角

是編不偏重藥物與學理。語語本諸實驗。以自然作用為歸。患此危症者。依書行之。即能收自療之奇效。



## 學生衛生寶鑑

●全一冊  
▲定價六角

中敘武士道衛生法。衛生自修法。健腦強記法。眼之攝生及運動法。長壽術等種種妙法。為學生衛生之

KL  
G  
6